



تکرار ایشدر همان جناب منان روح جسم عالمیان و باعث اسایش عباد و باندان اولان وجود خیر آلود همایون و ذات ملکی الصفات مراحم مشکونان برین الی الابد پایدار شوکسرای عافیت و پیرایه اریکه شوکت و سلطنت ایلینیه آمین بحرمة طه و یس

گذران ایدن ماه فیض اکتناه صیامده خلیفه روی زمین خلدملکه الی یوم الدین افندیمن حضرتلری عساکر منتظمه شاهانه و اهالی بلده طیبیه پادشاهانه لری نک حسن آداب و احوال اسایش انتسابلرینه بالذات اطلاع وارباب استحقاقه بذل صدقه و احسان مقصد صادقیه تبدیلا اکثریا جوامع سلاطینه عزم و توجه و جماعتله مفروضه بی ادا پیوردیلر فی الحقیقه رمضان شریف قبیلنده طرف سرعسکریدن دارالطباعه عامر ده طبع اولوب نشر اولسان تندیات موجبجه کرک عساکر آداب مأثر و کرک کافه اهالی و اصنافک کوچکی و بیوکی لازمه ذمین عبودیت اولدیغی اوزره طوغریسی رضای فیض اقتضای باری و ارتضای فخر مضای شهر یاری بی رعایتده سرمو قصور ایتوب شب و روز برکسنه دن سوء حرکت و نابجا سیرت و وقوعه کلبوب حسن سلوکلرینه و بالخصوص عساکرک تمام نظام استحسان انسجام موجبجه حرکات و اطوار انقیاد مسلوکلرینه ولی نعمتمز و ولی نعمت عالمیان افندیمن حضرتلری محظوظیت شاهانه یعنی ارکان سلطنت و وکلای دولت بنده لرینه بیان پیورمش اولدقلری تحدیثا للنعمه اعلان اولمش و علی الخصوص جوامع شریفه ده تدریس علوم نافع و وعظ ایدن دعا کویانک صله مسرت موصله و احسان فراوان ایله دوحه قبلرین ریان پیوردقلرندن ما عدا طریقت علیه خلوتیه شعبه سندن اولوب عهد فردوس آشیان سلطان محمدخان ثالث علیه غفران الملک الباعنده موکب همایونده بولنه رق بالفوز والظفر بعد العوده مولد و وطنی اولان مدینه سیوانده (قدس الله تعالی سره) ۱۰۰۶ تاریخنده انتقال ایدن رئیس سلسله طریقت شمسیه الشیخ احمد شمس الدین حضرتلرینک خانقاه فیض پناهی مستخلفلرندن وارباب علم و صلاحدن شمس الشیخ السید محی الدین افندی نام ذات که مقدمه زیارت سده سنیه آرزو سیله در علیه کلوب شهر شریف مذکور یعنی رمضان باعث الغفرانده جنتمکان سلطان یازید خان ولی علی روحه التقدیس الجلی ده شفاء شریف قاضی عیاضی تدریس و بنیان فیوضاتی تأسیس ایشیدی حامی شرع حبیب اله و پادشاه دل آگاه حضرتلری چند دفعه شمس مومی الیهک تقریرینی استماع و دائره درسینی اتوار حضور مکارم ظهور لر یله مهر التماع پیوروب مدینه مذکورده میدان جامع نام معبد شریفده بهر سنه شهر ثلثه ده صحیح بخاری قرائت ایتک اوزره اوقاف همایون فیض مشهون ملوکانه خزیننه سندن مقدار وافق ماهیه معاش ترتیب و احسابله شیخ مومی الیه ختمده دخی الطاف و اوسع الاطراف جهان شمول شهنشاهی لری مبدول

### امور داخلیه

آیات شریفه واحادیث صحت البقه اقتضاسنجه علم و کمال زینت انسانیت و سبب امتیاز و عزت یعنی حایه علوم و معارفه محلی و سببای صلاح نمازی مصقله حسن عمل ایله مجلی اولان علما و صلحا نك مقاملری عالی و کوكب قدرلری متلالی اوله رق نزد سلاطین عدالت آیین کرام و نظر شهنشاهان نصفت قرین عظامده اعتبار و منزلت لری اعلا و حرمت و محبت لری دو بالادر علی الخصوص نیچه نیچه محاسن اوصافله موصوف و درلودرلو اخلاق شجرت اوصافله معروف حالا اریکه پیرای سلطنت عظمی و زینت انداز تحت عالیجنبت خلافت کبری مر بی علما وارباب معارف و باذل انواع عواطف و عوارف خلیفه شه اولاک سریر پادشاه کرار کردار عالم کیر شوکتاب مراجنصاب ادامہ الله سبحانه و تعالی فی سریر السلطنة ماقصره الکتاب افندیمن حضرتلرینک صنف علما و ادبا و مشایخ و صلحا و کافه اولی انہا و البایه احسان معاش و رتب و بذل عطایا و اعطای مطلب جهت لری یله پیدر پی مساحه سماحت مساحه وقوعه کتوردکلری کرم بیکران شاهانه و الطاف بی پایان پادشاهانه نك امشالی و التفات و حرمت و رعایتک ماندی کتب نوار یخنده مسطور و صحایف آثارده منظور دکدر از جمله زمان سعد اقتران خلافت پناهی لرینده ایکی دفعه احراز مسند و الای فتوی و مشیخت و انحراف مزاجنه یناء سنه سابقه رمضاننده معزول و ساحلخانه سنده عبادت خلاق و دعای بقای شه آفاقله مشغول ایکن اشبوسنه مبارکه رمضان غفران فیضانک عشر اخیرنده رحلت ولیله قدرده ینتوت لحد مغفرت ایدوب کرک زمان فتوی و کرک اوقات خدمات سارده سنده هر بر حرکات عفت غایتندن شهر یار نجسته اطوار افندیمن حضرتلری خشود اولدقلری فاضل پیدانی سعد الدین ثانی یسبحی زاده مولانا السید عبدالوهاب افندی نك اثقالته تأسف درون شفقت نمونلرین اظهار و جامع ابوالفتحده بعد الظهر اقامت اولنه جق صلاتنه کمال تو ضعیله مخصوصا چران ساحلسرای همایونندن ارکبجه کلفه حرکتی اختیار ایله حاضر اولوب اول فرض کفایه بی جماعت کبری مسلمین ایله ادا پیورمقله اهل علم اولان حرملرینی بو یوزدن دخی اجهار پیورمشدرر حقا که شوکتاب افندیمن حضرتلرینک خصیصه ذاتیه ملوکانه لری اولان داعی پروری و شفقت کسری اقتضاسنجه اهل علم و کمال حقنده محضا قرینه مراحم صریحه شاهانه لرندن بو کونه حرمت و تواضعلری سلاطین کزینک برندن ظهوره کلدیکی احوال علمای دولت عثمانیه بی حاوی شقایق نعمانیه و ذیل لرینده و سائر رفیات اعیان کابلرینک برنده نه کورلمش ونه زبان تواریح اشنایانندن ایشیدلمشدر اشبو احترا و حرمت پادشاهانه لرینی نمازده حاضر اولان مفتی الانام و مسدور عظام و موالی و مدرسین و جماعت مسلمیندن جم غفیر مشاهده ایلدکلرینده دعای واجب الادای دیمومت داورانه لرینی عن صمیم البال

